


www.BibleForChildren.org

मत्ती 26





दुःखने फ़ेबै चाडए दुरो ओँसों
येशू बेथानिया बिबै नाँसर
खड़। चर येशूजी सिबउँइले
सोगों लमिंबै लाजरस बिबै म्हि
टिमल। च त्हेर्न मरियमइ सै ल्हें फ़ेबै
लिंबै थाँ खबै जटामसिए अत्तर तिम्नादे
पखसि येशूए प्हलेर फोमिंइ। धै ह्राँसए क़प्होइ
फ़योमिंइ। छलमाधिं तिगोंन् अत्तरए लिंबै थाँ नाँइ।



झाइले च्युसे इंहिं चेलामें न्होंबें
इस्करयोतथें यहूदाइ येशू कहासि
चमेंए योर पिंबै ल्हागिरि खो
पिंबै खेगि चिळ्मैं डाँर ह्याइ।
चए ताँ थेसि चमें बेल्ले सें
ताँसि चलाइ “मुइ पिंस्यो” बिबै
बाछा लइ। छतासि चइ येशू
खैले कहाब् इहे बिसि
घ्याँ म्हैबर होंइ।



छबिमा चेलामैंड येशूजी बिब् धौले
दुःखने फ़ेबै चाड म्हांदिबै तौदुमैं लइ।
खैंमैं चब् चरिमा येशूजी कहें किंसि
परमेश्वरलाइ धन्यबाद पिसि कहें लुँइ, धै
चेलामैंने पिसि बिइ, “नाँ, चु कहें चद! चु
डए ज्यु ग।” छलेन खीजी प्हेला किंसि
परमेश्वरलाइ धन्यबाद पिसि “कहेमैं
ताँनइ चु थुँन् बिसि चेलामैंने पिंइ।
तलेबिस्याँ चु परमेश्वरजी फैबै
छारा बाछाबै डए को
ग। ल्हें म्हिमैंए
पाप क्षमा तरिगे
बिसि डए
को बगेल्मुँ।



“ओ सिमोन, सिमोन, थेद! म्हिमेंड नौलिर गहुँ टाब् धौले
दुष्टइ विह टाल् यौरिगे बिसि यो छयुँ लइमुँ। दिलेया विहए
बिश्वास आम्हरिगे बिसि डइ विहए ल्हागिर प्राथना लइ।
छतसि विह धबै ड डाँइन एखब्मुँ, विहए सैं ड डाँइ एबै लिउँई
हौंसए आघें अलिमेंए सैं भौब लमिन्।” छबिमा सिमोन पत्रुसइ
खीने बिइ, “ओ प्रभु, ड विहने बालुन् झेलर टिल् त्हुलेया,
सिल् त्हुलेया तयार मुँ।”


येशूजी पत्रुसने बिइ,
“पत्रुस, ड विहने बिमुँ,
विहइ सौंखे समा ड
डो आसे आबिन् समा
तिंयाँ नग भाले
ओररिब् आरे।”



झाड़ले येशू चेलामेँने बालु
गेतसमनि बिबै बगैँचार
हयासि “ड दे क्याडु
हयासि प्राथना लमुँ। कहेमै
चुर्न टिरिद् ओ,” बिड़।
“ओ आबा, किहजी लल्
आखाँबै सै तोड़ आरे।
छतसि चु दुःख ड डाँड़ले
स्योमिंनु। दिलेया डए सैर
मैब् धौले आडिं, किहए सैर
मैब् धौले तरिगे।”




च त्हेर्न यहूदाइ रोमी सिपाइमें
खो पिंबै खेगि चिल्में नेरो
फरिसीमेंइ कुल्मिंबै मन्दिर रूबै
म्हिमें च बगैचार बत्ति नेरो
प्हरे-क्होजमें छेसि मेंदों मोसि
चर फेखइ। झाइले चेलामें
न्होंबै घिइ सेलाँ (तरबार)
टहुइसि खो पिंबै खेगि क्रथेए
के लबै म्हि घिए क्योलोउँइबै
न्ह च्वाट्टन थोवाइ। दिलेया
येशूजी “तै मुँरिगे! छ आलद्!”
बिसि खीजी च के लबै म्हिऐ
न्ह छुइसि सल् लमिंइ।



च त्हेर्न म्हिमेंइ येशू कहासि खो पिंबै खेगि क्रथेए धिंर बोइ,
पत्रुस बिस्याँ दे हेंगोउँइलेन् खीए लिलि लिलि ह्याइ। खो पिंबै
खेगि क्रथेए धिंबै ह्युर म्हिमें मि त्हेरिल।
छतसि पत्रुसै या चमैने
बालुन् वहुइ।




चर पत्रुसइ न्हेमें थोवाबै
म्हिए हजे म्हजे घि मुँल।
च खो पिंबै खेगि क्रथेए
केळ्छेंमें न्होंबै घि मुँल।
चइ पत्रुसने बिइ, “डइ
क्लिहाइ चने बालु बगैचार
मोंइ आडिं वा?” पत्रुसइ
अइ “आडिं!” बिइ। छ
बिबै तोंदोंन् नग भाले
ओरइ। झाइले पत्रुस बैरु
त्होंह्यासि बेल्ले क्रोइ।




च लिउँइं थेबै च्हों धिर मुँबै म्हिमैँइ
येशूलाइ क्रथे पिलातस डार बोसि चमैँए
ताँ थेसि पिलातसइ येशूने “क्हि यहूदीमैँए
मुँ वा?” बिसि ड्योएइ। येशूजी चने बिइ,
“क्हिइन छ बिरिइमुँ।” हुलइ छ बिलेया
पिलातसइ येशूलाइ पिदा
इहाँसि “चुलाइ पिवाले
बिसि” धबै चमैँने ताँ लइ।
दिलेया “चलाइ क्रूसर च्योवाद्!

क्रूसर च्योवाद्!” बिदै चमै ओरइ।




झाइले पिलातसइ येशूलाइ क्रूसर
च्योवाद् बिसि यहूदीमैए योर पिंवाइ।
धै सिपाइमैइ येशू बोयाइ। येशूजी ह्रांसए
क्रूस ह्रांसइन नोसि क्र खोप्लें बिबै
कल्हयोर हयाइ। (हिब्रू क्युडुर च
कल्हयोए मिं गलगथा बिमुं।)



चर चमैँड खी क्रूसर च्योवाइ धै
खीए क्योलोउँईं म्हि घि त्हर्योउँईं
म्हि घि च्योवाइ। येशू बिस्व्याँ चमैँए
म्हाँजोर मुँल।



त्हिंयाँ या चारब म्हयाइ। च त्हेर्न यरूशलेम सहरबै मन्दिरर
च्योथेंबै पर्दा क्वें या डिहंबाँ फैले म्हाँजोर्न ट्होयाइ। झाइले
येशूजी थेबै कैले बिइ, “ओ आबा, डए पल्ह डइ क्हिण योर्न
थेंमुं।” च्हौ बिसि येशूजी खीए सो पिवाइ।



छतमा अरिमाथियाथें योसेफ च
डेसार आङ्गिहंन्ले पिलातस डार
ह्यासि येशूए सिनु ह्निइ। (च
योसेफ थेबै म्हि च्हांबै चिब
मुँल। चइ परमेश्वरए
ग्याल्स खोंयों युब्
इहे बिसि घ्याँ
इहयोरिल।)

झाइले योसेफइ सुतिए
क्वें किंसि पखइ धै
येशूए सिनु क्रूसउँइले
तसि क्वेंर म्होरसि
म्हिमैँइ युँमा कोप्दिसि
लबै उ धौ तबै छगौर
थेंइ, झाइले च उए
सुर युँमाइ हुथेंइ।



चाडए ल्हागिर चैदिबै सैमैं तयार लबै
त्हिंइए प्हाँन्हाँगधों खो पिंबै खेगि चिब्ल्मैं
नेरो फरिसीमैं पिलातस डार
खागु तइ। चमैंइ पिलातसने
बिइ, “ओ चिब, च स्योर्गुइ
सोगों मुँमा ‘ड सियालेया
सोंरों धबै सोगों तसि
खल्मुँ’ बिल। चइ बिबै
ताँ डिइ चिरिइमुँ।”



“छबिमा चमैं ह्यासि
छगों हुथेंबै युँमा ओल्
आखाँले भौब लसि
छगों छेनाले रूँबै
ल्हागिरि पालेमें थेंइ।”



प्रिबै त्हिंइए प्हँन्हाँगधों आइतबार न्हँक्कन
मि माँबै छझँ मग्दालाथेंस्यो मरियम
नेरो अर्को मरियम छगों इह्योबर
हयाइ। च त्हेर थेबै सयो खइ,
तलेबिस्याँ स्वर्गउँइले प्रभुए
दूत घि युसि छगों हुथेंबै
युमा प्लिवासि युँमाए
फिर टिइ।

छाब् माँसि
रूँबै म्हिमें इहंसि
त्हारइ, धै सिब्
धौन् तयाइ।



दिलेया स्वर्गदूतइ च च्हमिरिमेंने बिइ,
“वहेमें आङ्हिंन्! वहेमें क्रूसर च्योवाबै
येशू म्हैबर खब् ग बिसि डइ
सेइमुं। येशू चुर आरे। खीजी
ओंसोंन् बिब धोंले खी
सोगों तसि रैल् खाँइमुं।
खो, खी पाबै
क्ल्हयो इह्योद्।”



छबिमा चमैं ड्हिंब धों ड्हौँदै सैं
तोंदै आतुरले छगोंडैले त्होंसि
खीए चेलामेंने सँउसर बिबर
न्हेहयाइ। छले ह्यारिमा तिखेर्न
येशू चमैंने त्होसि “क्हेमैंने शान्ति
तरिगे,” बिइ। धै चमैं चेंदो खसि
येशूए प्हले क्हासि फ्योइ।



च लिउँईं खीए च्युसे घि चेलामें चब चरिमा खी
मोंखइ। चमेंइ बिश्वास आलब नेरो सारो सैं
मोंसि खीजी चमेंलाइ बेल्ले हौदिइ। तलेबिस्याँ
खी धबै सोगों तखइमुँ बिल्मैंए ताँ चमेंइ
आक्वेंमल। येशू छले चेलामेंने पॉल खाँबै लिउँईं
परमेश्वरजी खीलाइ स्वर्गउँईं बोयाइ, धै
परमेश्वरए क्योलोउँईं टिइ।



तलेबिस्‍याँ खीए च्हए फिर बिश्वास
लब्‍में खाबै या नास आतरिगे, बरु
खोंयोंइ आनुबै छह योंरिगे बिसि
परमेश्‍वरजी ह्युलबै म्‍हिमेंने ल्हें
म्‍हाँया लसि खीए घि दे
मुँबै च्ह पिंइ।



रोमी 3:23

तलेबिस्याँ ताँन् म्हिइ पाप लइमुँ, छतसि
खी डार फेनेल् आखाँइमुँ।

रोमी 6:23

तलेबिस्याँ पाप लबमैंइ योंबै नों सिब ग! दिलेया
परमेश्वरजी छलेन पिंबै दान इयोए प्रभु येशू ख्रीष्टउँइले
खोंयोँइ आखाँबै छह योंब् ग।

हिब्रू 9:27

ताँन् म्हिमें तिब्ले सिल् त्हुम्, धै सिबै लिउँइ
परमेश्वरजी लबै इन्साफर राल् त्हुम्।



एफिसी 2:8,9

छतसि परमेश्वरए दयाम्हाँयाइ लमन् वहेमैँए बिश्वासउँइँले
वहेमैँइ मुक्ति योंइमुँ। वहेमैँइ छयाँबै केमैँ लसि चु मुक्ति योंब
आडिं, चुम् परमेश्वरजी छलेन पिंब् ग। छयाँबै केमैँ लसि
म्हिमैँइ मुक्ति योंल् आखाँ। छतसि छयाँबै के लइ
बिसि खाबै या थेब् प्हेँल् आत्हु।

रोमी 10:9,10

तलेबिस्याँ किहइ होंसए सुँइ “येशून् डए प्रभु ग” बिसि अरूलाइ
साक्षि पिंम् बिस्याँ, झाइले “परमेश्वरजी येशूलाइ सिबइले धबै
सोगों लमिँइ” बिसि सैँर बिश्वास लम् बिस्याँ किहइ मुक्ति
योंल्मुँ। तलेबिस्याँ इयोए सैँइ बिश्वास लसिन् इयो परमेश्वरए
उँइँर ठिक ठदिम्, झाइले इयोए बिश्वास लबै ताँ
अरूलाज्यै या बिमिँस्याँ इयोइ मुक्ति योंमुँ।



यूहन्ना 3:16,17

तलेबिस्‍याँ खीए च्हए फिर बिश्‍वास लब्‍में खाबै या नास आतरिगे,
बरु खोंयोंइ आनुबै छह योंरिगे बिसि परमेश्‍वरजी ह्युलबै म्‍हिमेंने
ल्‍हें म्‍हाँया लसि खीए घि दे मुँबै च्ह पिंइ। तलेबिस्‍याँ ह्युलबै
म्‍हिमें दोषि ठदिबर परमेश्‍वरजी होंसए च्हलाइ कुलब आडिं,
दिलेया चमैलाइ जोगेबर कुल्‍मिंइ।

१ यूहन्ना 5:11-13

परमेश्‍वरजी पिंबै ग्‍वाइ चुन् गः खीजी इयोलाइ खोंयोंइ आखाँबै
छह पिंइमुँ, धै च छह खीए च्हउँइले इयोइ योंम्। खाब्‍ने परमेश्‍वरए
च्ह टिमुँ, चइ च छह योंइमुँ, दिलेया खाब्‍ने परमेश्‍वरए च्ह आटि,
चइ खोंयोंइ आखाँबै छह आयों। ओ, परमेश्‍वरए च्हए फिर बिश्‍वास
लब्‍में! क्‍हेमेंइ खोंयोंइ आखाँबै छह योंइमुँ बिसि पक्‍का था सेरिगे
बिसि डइ चु प्‍हिछया क्‍हेमेंलाइ प्‍हिब् ग।



मत्ती 26-28; लूका 22-24; यूहन्ना 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Gorung Central Bible (gvr) © 2020, Wycliffe Bible
Translators, Inc. All rights reserved.

<https://live.bible.is/bible/GVRWBT/MAT/1>

©2026 Bible for Children, Inc.

www.M1914.org

www.bibleforchildren.org

